



## 1 FITXAREN EDUKIA

### ZERGATIK AZAROAREN 25A

1981n, Latinoameriketako eta Karibeko Lehen Bilgune Feministan, Azaroaren 25a ezarri zen Emakumeenganako indarkeriaren aurkako Borroka Egun.

1999an, Nazio Batuen Batzar Nagusiak Azaroaren 25a Emakumeenganako Indarkeria desagertzeko Nazioarteko Egun ezarri zuen.

Egun hori aukeratu zuten Miraval ahizpen omenez: Minerva, Patria eta M<sup>a</sup> Teresa erahil egin zituzten 1960an Dominikar Errepublikan, Rafael Leónidas Trujillo diktadorearen aurkako mugimenduko kide zirelako.

Azaroaren 25ean, mundu guztian antolatzen diren jardueren bitartez, munduan indarkeria sexista jasaten duten emakume guztiak gogoratu, gure gaitzespena adierazi eta desagertzeko desioa berresten dugu.



### **EUTSI ETA *Beldur Barik***

Eutsi taldea Legazpiko bost neskek osatzen dute: Ainhoa, Itxaso, Itxasne, Intza eta Olatzek, taldeko gitarrista eta abestia idatzi zuena. Kantua indarkeria sexistaren aurkako borrokaren ikur bilakatu da. Abestia hausnarketa prozesu baten ondorioa da, 14 eta 25 urte bitarteko neskek eurengan eragina zuten gaiei buruz aritu zirenean; indarkeriazko egoerak antzeman zituzten, eta sarritan intentsitate gutxikoak izan arren, etorkizunean zer gerta daitekeen erakusten dute. “ Gaur eskotea erabiltzearen egindako kritika dena, bihar ukabilkada izan daitekeela” ondorioztatu zuten. Hori dela eta, erabaki zuten azkar abian jarri behar zutela gauaren iluntasunak denei ematen zien beldurraren aurka.

Eutsi prozesu horretara heldu zen Berdinsareak sustatutako prozesuaren barruan (indarkeriaren aurkako eta berdintasunaren aldeko Euskal Herriko udalen sarea). Hedabide desberdinen bitartez, esate baterako, interneteko sare sozialak, harremanetan jarri ziren Euskal Herriko neska gazteekin. Nahi izan zutenek inguruko indarkeriari buruzko ikerketa lana egin zuten. Euren ondorioak eta proposamenak gida, abesti eta bideoklip baten gauzatu ziren, beldur barik ibiltzeko eskubidea aldarrikatzen dutenak.

## **BELDUR BARIK**

Hitzak eta musika: EUTSI

Gorrotoa zure begiradan isladatzen da  
ezintasuna dakarkit burura,  
denbora luzez daramazu bakarrik  
zulotik atera ezinik.....IXILIK!!

Gorrotoa zure begiradan mantentzen da  
irtenbide bat bilatzeko ordua da,  
amets gaizto hontatik esnatzen zara  
goiza iritsi da ta!!!

Begi disdiratsu negarti horiek ez itzazu itxi,  
ordua iritsi da, eguna heltzear da  
Berdintasuna nagusituko da egun batean  
ez dago urruti,laster amaituko da....  
**ZURE MOMENTUA IRITSI DA!!!**



Gure ametsa laster egi bihurtuko da,  
orain arteko sufrimendua bukatzean  
mundu berri bat hastear dagooooo  
gogoratuuuu.....

**EZ ZAITZATELA ZAPALDU!!**

Begi disdiratsu negarti horiek ez itzazu itxi,  
ordua iritsi da,eguna heltzear da  
Berdintasuna nagusituko da egun batean  
ez dago urruti, laster amaituko da...

Begi disdiratsu negarti horiek ez itzazu itxi,  
ordua iritsi da,eguna heltzear da  
Berdintasuna nagusituko da egun batean  
ez dago urruti, laster amaituko da...  
**ZURE MOMENTUA IRITSI DA!!!!**



### ARIKETA: AURKITU HITZA

\_\_\_\_\_ zure begiradan isladatzen da  
\_\_\_\_\_ dakarkit burura,  
denbora luzez daramazu \_\_\_\_\_  
zulotik atera ezinik.....\_\_\_\_\_

Gorrotoa zure begiradan mantentzen da  
\_\_\_\_\_ bilatzeko ordua da,  
amets gaizto hontatik \_\_\_\_\_  
\_\_\_\_\_ iritsi da ta!!!

Begi disdiratsu negarti horiek ez itzazu itxi,  
\_\_\_\_\_, eguna heltzear da  
\_\_\_\_\_ nagusituko da egun batean

ez dago urruti,laster amaituko da....  
\_\_\_\_\_ IRITSI DA!!!

\_\_\_\_\_ laster egi bihurtuko da,  
orain arteko sufrimendua bukatzean  
mundu berri bat hastear dagooooo  
gogoratuuuu.....  
\_\_\_\_\_

Begi disdiratsu negarti horiek ez itzazu itxi,  
ordua iritsi da,eguna heltzear da  
Berdintasuna nagusituko da egun batean  
ez dago urruti, laster amaituko da...  
ZURE MOMENTUA IRITSI DA!!!!

### Abestiaren hitzen eta mezuaren esanahia kontuan izaten badituzu, baietz hutsune guztiak bete.

gorrotoa

isilik

berdintasuna

ez zaitzatela zapaldu

zure ordua

bakarrik

esnatzen zara

ordua iritsi da

gure ametsa

ezintasuna

irtenbide bat

goiza



### ARIKETA: HITZAK LOTZEN

Komentatu zure lagunekin ezkerreko zein hitz lotuko zenuketen eskuineko hitzekin, eta zergatik. Ariketak aukera ugari ditu, erantzun bat baino gehiago ditu. Hizketan hasi aurretik, pentsatu pixka batean.

gorrotoa	Eskubidea
isilik!	
berdintasuna	Tratu txarrak
ez zaitzatela zapaldu!	
zure ordua	Zapalkuntza
bakarrik	
esnatzen zara	Zure buruaren jabe izan
ordua iritsi da	
gure ametsa	Laguntza eskatu
ezintasuna	
irtenbide bat	Askatasuna
goiza	



### **ARIKETA: BERDINTASUNEAN OINARRITUTAKO HARREMANAREN BOST EZAUGARRI**

- 1.** Bi pertsonak ados daude harreman motan: *(noizean behingo rolloa, harreman sexuala soilik, harreman sexualak soilik bikotekidearekin ala ez....*
- 2.** Bi pertsonak ados daude harremana jarraitzearekin edo uztearekin. Arriskurik handiena litzateke gaizki atera izanaren tristura.
- 3.** Bi pertsonak dute harremanaren ardura, arriskuena eta ondorioena.
- 4.** Harremana aukera berdintasunean dago oinarrituta. Bi pertsonak nahi dutena egiten dute, hitzartu egiten dute zer egin elkarrekin eta zer egin banatara.
- 5.** Erabakiak ez dira inposatzen, hitz egiten da, hitzartu egiten da, barkamena eskatzen da...

Irudikatu berdintasun baldintzarik ez dauden egoerak, eta pentsatu nola jokatu berdintasuna egon dadin, eta zer egin beharko luketen bikotea osatzen duten bi pertsonak arazoaren aurrean, harremana berdintasunean oinarritutakoa izateko. Jarri adibide bezala egoera zehatzak.